

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/32, 28.02.2020թ.

Բողոք բերող անձ՝ «Մեգիէլ» ՍՊԸ

Պատվիրատու՝ «Գյումրու ԲԿ» ՓԲԸ

Գնման ընթացակարգի ծածկագիրը՝ «ԳԲԿ-ԳՀԱՊՁԲ-20/7» գնանշման հարցում

Գնման առարկան՝ Բժշկական պարագաների ձեռքբերում

Բողոքի պահանջը՝ «Գյումրու բժշկական կենտրոն» ՓԲ ընկերությանը պարտավորեցնել չկայացած համարելու «ԳԲԿ-ԳՀԱՊՁԲ-20/7» ծածկագրով հրավերի 5-7, 14, 15, 17, 19, 21-26 չափաբաժինների գնման ընթացակարգը

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ.ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բոլորներ քննող անձին

Հասցե՝ Մելիք Արամյան 1, Երևան քաղ.

Բողոք բերող անձ՝ «Մեգիել» ՍՊԸ,

անօրեն՝ Սամվել Փարիզյան

Հասցե՝ Դ. Դեմիրճյան 40, Երևան քաղ.

Հեռ. 010-565476, 091-412436

Էլ. փոստ՝ office@megiel.am

Պատվիրատու՝ «Գյումրու բժշկական կենտրոն ՓԲԸ»

Հասցե՝ Գ.Նժդեհ 3/3, Գյումրի քաղ.

Գնման ընթացակարգի ծածկագիր՝

ԳԲԿ-ԳՀԱՊՁԲ-20/7

Գնման առարկա՝ «Բժշկական պարագաների ձեռքբերում,

մատակարարման պայմանագրի կնքում»

ԲՈՂՈՔ



1. Վեճի առարկան.

1.1 «Գյումրու բժշկական կենտրոն» ՓԲ ընկերության կողմից հայտարարվել է ԳԲԿ-ԳՀԱՊՁԲ-20/7 ծածկագրով գնման ընթացակարգ:

1.2 Մասնակցության հայտերի ներկայացման վերջնաժամկետ եւ հայտերի բացման օր է սահմանված 28.02.2020թ, ժամը՝ 14:00:

1.3 «Մեգիել» ՍՊ ընկերությունը (հետայսու՝ Հնկերություն) ԳԲԿ-ԳՀԱՊՁԲ-20/7 ծածկագրով ընթացակարգին մասնակցելու նպատակով ուսումնասիրելով հրավերը՝ տեխնիկական բնութագրերում արձանագրել է «Գնումների մասին» ՀՀ օրենքով սահմանված պահանջների անհամապատասխանություն:

1.4 Առա Հնկերության՝ «Գնումների մասին» ՀՀ օրենքի եւ ՀՀ կառավարության 04.05.2017թ թիվ 526-Ն որոշման պահանջին չեն համապատասխանում վիճարկվող ընթացակարգի 5-7, 14, 15, 17, 19, 21-26 չափաբաժինները:

2. Բողոքի փաստական և իրավական հիմքերը.

«Գնումների մասին» ՀՀ օրենքի (հետայսու՝ Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի *«գնումների և գնումների գործընթացի տնտեսող, արդյունավետ և օգտավետ իրականացումը»*

Համաձայն Օրենքի 3-րդ հոդվածի 2-րդ մասի *«Գնումների գործընթացը հիմնվում է հետևյալ սկզբունքների վրա.*

1) *գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.*

2) *պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.*

3) *ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն»:*

Գնման առարկայի բնութագրերը ներկայացնելու պահանջները սահմանված են Օրենքի 13-րդ հոդվածով: Վիճարկվող հրավերի տեխնիկական բնութագրերը չեն համապատասխանում այդ նորմի պահանջներին:

Վիճարկվող ընթացակարգի 5-7, 14, 15, 17, 19, 21-26 չափաբաժիններով պահանջվող բժշկական պարագաների տեխնիկական բնութագրերի նկարագրի ձևակերպումները և այդ պարագաների տեսակները ներկայացված են այնպես որոնք տարբնկալման և մասնակցության սահմանափակում են առաջացնում:

1. 5 չափաբաժով պատվիրատուն պահանջում է ախտորոշիչ կաթետերներ հավաքածու և հավաքածուն պետք է կազմված լինի *երկու ախտորոշիչ կաթետերներից և կաթետերի ներքին լուսանցքը պետք է լինի 4F; 5F; 5.2 F; 6F չափերի:* Ըստ էության պատվիրատուին անհրաժեշտ է, որ հավաքածուն լինի երկու կաթետրից, բայց ներկայացնում է չորս չափ, ինչի պարագայում ապակողմնորոշում կարող է առաջացնել մասնակցի մոտ: Եթե մասնակիցը կարող է հայտ ներկայացնել օրինակ չորս չափերը երկուսով, սակայն պատվիրատուն մի չափաբաժնի տակ ներկայացրել է չորս չափ, ուստի մասնակիցը չի կարող հայտ ներկայացնել: Ինչպես նաև տեխ. բնութագրում նշված է ներքին լուսանցք է՝ 4F; 5F; 5.2 F; 6F և Չափսերն են՝ 4F, 5F,5,2F, 6F որը չի կարող նույնը լինել:

➤ 6-7 չափաբաժնով պատվիրատուն պահանջում է ախտորոշիչ կաթետերներ և նկարագրում, որ *կաթետերի ներքին լուսանցք չափը 4F; 5F; 5.2 F; 6F, սակայն նշված 4F; 5F; 5.2 F; 6F չեն կարող ունենալ նույն չափ ներքին լուսանք քանի որ նձված չափերի ներքին լուսանցքները համապատասխանաբար հավասար են 1.077մմ, 1.19մմ, 1.12մմ, 1.30մմ որը վերածելով համապատասխանաբար F միավորով կստանանք 3,23F; 3,57F; 3,36F; 3,9F: Չափաբաժիններով ներկայացված է կաթետերի ծայրի ձևերը՝ օրինակ JL 3,5; JL4; JL4,5; JL5; JL6; AL1; AL2; AL3; JR3,5; JR4; JR4 MOD; JR5; JR5 MOD; JR6; AR MOD; AR1 MOD; AR2 MOD; 3DRS; և այլն, որոնք իրենցից ներկայացնում են տարբեր ապրանքատեսակներ: Այսինքն, եթե մասնակիցը կարող է մասնակցել ընթացակարգի չափաբաժնով պահանջվող*

ապրանքատեսակներից միայն մի քանիսով, սակայն մի չափաբաժնի տակ նշված են մեկից ավելի տեսականի, ուստի՝ չհիմնավորված խոչընդոտներ են ստեղծվում մասնակիցների համար: Չհիմնավորված խոչընդոտները բացառելու համար յուրաքանչյուր ձեռք պետք է ներկայացվեր առանձին չափաբաժնով:

- 6-7 չափաբաժինների ձեռնաչափով ներկայացված են 14 (կաթետերներ/գայդ կատետեր) և 15 (կաթետերներ/ուղղորդիչ կատետեր) չափաբաժինները:
- 17 և 19 չափաբաժիններով (անգիոպլաստիկայի նյութեր/դեղապատ ստենդ). 17 չափաբաժնով՝ *ստենտի պահանջվող չափերն են ըստ տրամագծերի՝ 2.0, 2.25, 2.5, 2.75, 3.0, 3.5, 4.0 մմ* և 19 չափաբաժնով՝ *պահանջվում է՝ ստենտի երկարությունը՝ 8մմ, 12մմ, 16մմ, 20մմ, 24մմ, 28մմ, 32մմ, 38մմ; տրամագծերը՝ 2,25մմ, 2,5մմ, 2,75մմ, 3,0մմ, 3,5մմ, 4,0մմ:* Այս ձեռնաչափով ներկայացված տեխնիկական բնութագրով սահմանափակվում է մասնակիցների մասնակցությունը, եթե մասնակիցը կարող է ընթացակարգին մասնակցել օրինակ մի տեսակ ստենդով, սակայն մի չափաբաժնով պահանջվում են մի քանիսը, ապա արհեստականորեն խոչընդոտ է ստեղծվում մասնակցի համար:
- 21-26 չափաբաժիններով պահանջվում է բալոնային կաթետերներ և տեխնիկական բնութագրերը ներկայացված են նույն սկզբունքով, մեկ չափաբաժնով ներկայացված է պահանջվող ապրանքի տարբեր չափերը:

Այսպիսով, վերը ներկայացված չափաբաժինների տեխնիկական բնութագրերը ներկայացված են նույն տրամաբանության մեջ: Մեկ չափաբաժնով պահանջվում է բուժյարագա տարբեր չափերի: Պատվիրատուն պետք է յուրաքանչյուր չափը ներկայացնել առանձին չաձաբաժնով, որպեսզի ապահովել հնարավոր մասնակիցների մասնակցությունը և բացառվել չհիմնավորված խոչընդոտների առաջացումը: Պատվիրատուի ներկայացրած տեխնիկական բնութագրերը չեն համապատասխանում օրենքով սահմանված նորմերին և հայտատուի համար ստեղծում են ապակողմնորոշող իրավիճակ:

ՀՀ կառավարության 04.05.2017թ թիվ 526-Ն որոշման 22-րդ կետը սահմանում է, որ *զնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ բացառությամբ զնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:*

Պատվիրատուն օրենքին անհամապատասխան հրավեր ներկայացնելով սահմանափակում է հնարավոր հայտատու մասնակիցներին մասնակցելու զնման ընթացակարգին:

Իրավական նորմերի խախտմամբ կազմված հրավերը չի կարող ապահովել զնումների այն ընթացակարգը, որը նախատեսել է օրենսդիրը «Գնումների մասին» ՀՀ օրենքով և դրանց իրականացված համար ընդունված իրավական ակտերով (ՀՀ կառավարության որոշումներ):

3. Պահանջ.

3.1. «Գյումրու բժշկական կենտրոն» ՓԲ ընկերությանը պարտավորեցնել չկայացած համարելու ԳԲԿ-ԳՀԱՊՁԲ-20/7 ծածկագրով հրավերի 5-7, 14, 15, 17, 19, 21-26 չափաբաժինների գնման ընթացակարգը:

Կից ներկայացվում են.

1. Անձր հաստատող փաստաթղթի պատճեն,
2. բողոք ներկայացնելու համար վճարման անդորրագրի պատճեն:

«Մեգիել» ՍՊԸ

տնօրեն Սամվել Փարիզյան

28 փետրվար, 2020թ

